



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentissimæ Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Artic. IV. Quid Concilia pronuntient in favorem immaculatæ Conceptionis
sanctissimæ Virginis.

urn:nbn:de:hbz:466:1-45581

ARGUMENTUM.

Quid Concilia pronuntient in favorem Immaculatae Conceptionis Sanctissima Virginis?

ARTICULUS IV.

Vellem te mox ab initio hinc facere professionem fidei, quam fecit Vates Regius, dum ita cecinit: *Confitebor tibi Domine in toto corde meo, in Consilio justorum & Congregatione.* Oportet habere cor docile ad accipiendum cum reverentiâ decisionem Conciliorum, cum oracula sint allata nobis è cœlis, eoque Spiritus Sanctus, à quo congregata sunt, illis asserat lucem & loquatur per ora eorum. Primum Concilium Ecclesie, quod celebratum est ab Apostolis, quodque ceu exemplar servare debet omnibus aliis, suas sub hâc formâ pronuntiavit decisiones: *Visum est Spiritui Sancto & nobis; & reliquâ.* Et omnia vera Concilia Ecclesie hoc loqui debent idiomate; audienda igitur sunt velut Spiritus Sancti instrumenta, maximâ cum reverentiâ, & eadem cum promptitudine amplectenda ipsorum effata. Nonne hâc cum dispositione auscultare vis Concilia?

Nullum Concilium quidquam decidit contra Conceptionem

Volo, respondet Jolanus, sed certus sum, nullum esse, quod decidet, nec velut articulum fidei, nec velut dogma Catholicum, quod Conceptio Virginis sit Im-

maculata; sed an aliquod decidit forsitan ex illis, quod fuerit maculata, interrogat ipsum Viator noster? an ullum unquam docuit; quod ipsa contraxerit peccatum originale, sicut ceteri filii Adæ? Tu, qui dicebas mihi mox ab initio tantâ cum certitudine, quod à nato Salvatore usque ad annum 1330. communis doctrina fuerit, ipsam conceptam esse in peccato, an allegare mihi potes unicum duntaxat Concilium, in quo id vel fuerit decisum, vel solummodò propositum? Ego quidem nullum scio confessus est, sed in hoc æquales sumus, quod Concilia nihil determinârunt nec ex unâ, nec ex alterâ parte.

Est ne hoc totum, quod nôsti, reposuit ipsi viator noster? An ignoras, quâ ratione omnia Concilia, sive generalia sive nationalia locuta sint à primo Concilio generali Ephesino, celebrato Anno Domini quadringentesimo, quod appellat ipsam Immaculatam, id est, nullâ maculâ peccati unquam coinquinatam, sicut interpretatur antiquus Saphionius à S. Hieronymo citatus: *Ideo immaculata, quia in nullo corrupta.* Verum est, ipsum expressè

immaculatam B. V.

Concilium Ephesinum dicit, Sanctissimam Virginem esse immaculatam. S. Hieronymus, serm. de Assumpt.

non dicere, illam fuisse Immaculatam in Conceptione suâ; sed quando dicit, ipsam nulla unquam coinquinatam fuisse maculâ, nonne per hoc excludere voluit tam maculam peccati originalis, quàm illam peccati actualis?

Concilium
Toletanum
quartum &
octavum
stant pro
Immacula-
tâ Concep-
tione S.
Virginis.

Deinde quartum Concilium Toletanum Anno 634. celebratum nonne recipit & approbat Breviarium ac Missale à S. Isidoro Archi-Episcopo Hispalensi reformatum, ubi annotatur tam Festum, quàm officium Conceptionis pro totâ octavâ, & ubique dicitur præservata à peccato originali ex privilegio, quòd summè deceat dignitatem Matris DEI. Et aliud Concilium Tolentanum Anno 675. celebratum, ubi tantis cum elogiis approbata est doctrina Sancti Ildephonsi, nonne proficitur cum devotissimo hoc Sanctissimæ Virginis cliente, ipsam nunquam maculatam fuisse peccato originali? Verum igitur non est, quòd à Christo Nato usque ad Annum 1330. dictum nunquam fuerit, ipsam conceptam non esse in peccato.

Sextum Concilium generale celebratum Constantinopoli sub Agathone summo Pontifice Anno 680. nonne universali cum applausu recipit Epistolam magni Saphronii Patriarchæ Jerosolymitani, in quâ appellat Sanctissimam Virginem Immaculatam, Sanctam Corpore & animâ, & liberam ab

omni contagione peccati? Omnes magni hujus Concilii Patres, an approbare potuissent hæc verba, si creditum fuisset in Ecclesiâ, ipsam maculatam fuisse in Conceptione sua peccato originali? Verba hæc Saphronii seriam merentur considerationem. *MARIAM fuisse liberam ab omni contagione peccati:* ubi adverte, quòd non solum dicat, ipsam liberam fuisse ab omni commissione peccati, quòd intelligi poterat de peccato actuali; sed ab omni contagione peccati, quòd denotat originale, cum id contrahatur per contagionem.

Secundum Concilium generale Nicænum, quòd Congregatum fuit Anno 787. & approbatum à Papa Adriano, nonne locutum est de beatissimâ Virgine, sicut loquebatur tunc tota Ecclesia, dum ipsam nuncupavit sanctissimam immaculatam, integerrimam, & puriorem omni naturâ sensibili & intellectuâli, id est, puriorem Angelis in cælo, qui nunquam obnoxii fuerunt peccato minimo actuali, nec originali. Et si Concilium ita universaliter loqui voluerit, abs eò, quòd diceret in particulari, ipsam in Conceptione suâ esse immaculatam, exinde est, quòd tunc temporis non vertetur in dubium, & maximam posse traheret irreverentiæ notam, suspicari solum, ipsam maculatam fuisse peccatò minimò vel actuali, vel originali. Plurimum ergò fal-

leris

Concilium
generale
Constanti-
nopolita-
num Ann
680.

Festum
Concep-
tionis cele-
bratum.

Secundum
Concilium
generale
Concilium
Nicænum
Anno 787.

Concilium
Constanti-
nense
probatur
velacit
S. Bri

leris in opinione tuâ, dum inquis, cuncta præterita sæcula credidisse, ipsam Conceptam in peccato.

Festum Conceptionis celebratum.
 Concilium Nationale Oxoniense, celebratum in Angliâ Anno 1222. ordinavit Festum Conceptionis Sanctissimæ Virginis, quòd jam pluribus sæculis ante celebratum in Oriente, uti mox tibi dicam: an ordinare hoc Festum potuisset, nisi credidisset Conceptionem Beatissimæ Virginis Sanctam esse & Immaculatam; siquidem in hoc consentiunt omnes, Festa non celebrari de peccatoribus?

Concilium Constantiense approbavit revelationem S. Brigitte.
 Concilium universale Constantiense, nonne approbavit revelationes Sanctæ Brigitte velut verissimas? Jam illæ refertæ sunt manifestissimis testimoniis, Conceptionem Sanctissimæ Virginis esse puram & Immaculatam.

Nihilominus vellem hic alloqui quemcunque sincerum & rectum corde, cui aliud cordi non sit, nisi inquirere veritatem, ipsumque interrogare: an clarè jam vides? an ignorare adhuc potes, quòd Sancta inclinet Ecclesia, quam Sanctus moderatur Spiritus, dum intueris tot ac tanta Concilia, quæ eadem ratione loquendo de ipsâ per omnem decursum sæculorum, ipsam semper appellant Immaculatam, integerrimam in omnibus, puriorum Angelis? Et tandem ultimum Concilium generale, quòd Canonicum est receptum, declarat verbis tam luculentis, quòd

Ecclesia, quam id repræsentat, intentionis non sit, dicere, quòd Sanctissima Virgo maculata unquam fuerit peccato originali: Omnia Concilia in hæc conveniunt opinione, quin vel unicum allegari possit, cui alius hæc in re sit sensus vel iudicium. Nonne tam clarè tibi hoc videtur ostendere veritatem, quàm lucem meridiamam? Et quis ignorare hoc possit, nisi consultò occludat oculos, ut ipsam non videat?

Verùm credere non teneor, nec fidem adhibere illi, quòd non pronuntiavit, nec credendum proposuit Ecclesia. Itane? loqueris velut homo, qui, quantum potest, reluctatur veritati, quisque hanc probè videns, non vult cedere, nisi vi sibi factâ cogatur? Non magni quid præstabis, credendo, Conceptionem Sanctissimæ Virginis esse Immaculatam, quando aliter facere amplius non poteris; ne notam incurres hæreseos; te velim Ecclesiam nondùm te adhuc cogentem, sed suaviter invitantem ut sua amplectaris sensa, secùmque hunc Sanctissimæ Virginis exhibeas honorem, ut adhibeas fidem, Immaculatam esse ipsius Conceptionem. Nonne sufficit filio morigeri & obedienti, nôsse mentem & intentionem Matris suæ: si non audieris Ecclesiam, sicut oportet, juxta regulas Evangelii, nonne times, ne æstimeris coram

Reprehensibile est, non credere Immaculatam conceptionem B V. quamvis non sit articulus fidei.


ram DEO velut Ethnicus & Publicanus ?

Querele
Sanctissimæ
Virginis
contra eos,
qui credere
volunt,
quod sit
Immacula-
tæ Conce-
pta.

O Mater admirabilis! quàm di-
verso aspicias oculo eos, qui tuam
reuerentur Conceptionem velut
Sanctam & Immaculatam, & illos,
qui probro afficiunt eam, creden-
do, maculatam ipsam esse pecca-
to originali? Nonne dices ipsis,
quid feci vobis, quod hoc me
oneretis opprobrio, quod pro-
brum est totius naturæ humanæ,
me, quæ illius sum gloria, quæ-
que tantum contribui ad reparan-
das ipsius ruinas per Filium meum
Unigenitum? Ut quid vultis cre-
dere, incurrisse me maledictionem
DEI; me, quàm beatam prædi-
cant omnes generationes, quæque
reipsâ benedicta sum inter omnes
mulieres; eòquod sola summum
possideam honorem, quod ab æ-
terno prædestinata sum, ut essem
Mater DEI! Nonne horrore vobis
sit, aspicere me velut manci-
pium diaboli in momento, quo
ingressa sum in mundum? Ecce
amplecti abnuitis sensa magis pia,
magisque congrua dignitati Matris
DEI præcipuè dum ad eò videtis
clare, hæc itidem esse illa totius
Ecclesiæ? An dum illi assentiri
non vultis, separare vos vultis ab
eâ, alia quàm ipsius amplectendo
sensa, quæ inspirari vobis non
possunt à Spiritu DEI?

Sed tandem, quid speratis, ve-
stra dum obtineatis eventum ma-
chinationis ita oppositæ pietati? Quid In-
præcedat
impugnau-
tes eam,
Estne abolere honorem, quo mea
diebus hisce condecoratur ferè ab
omnibus Conceptio Immaculata?
Et quando obtinueritis, ut credant
omnes, me peccatricem esse! ini-
micam DEI, mancipium diaboli,
& dignam, ut priver in æternum
visione DEI à primo instanti vitæ
meæ; an gloriosam fortassis de me
reportabitis victoriam? an spera-
bitis, comparaturam hanc vobis
eximios in æternitate errores? an
expectabitis, imponendas fore il-
las à DEO vestris verticibus, ceu
præmia injuriæ, quæ ipsius pro-
prium conculcatis Genitricem?
an putatis, id ratum & gratum ha-
biturum ipsum? Et tandem, an
stimulus id mihi erit, ut vos tum
vitæ vestræ decursu, tum mortis
in articulo, meis prosequar favo-
ribus, qui tantâ persecuti me estis
crudelitate?

Quid inquis ad hæc? Ecce te
igitur, Jolane, non minùs exce-
ptum malè à Conciliis, quàm à
sacris literis? Ad quem igitur re-
curret, ut defendas te? provoco ad
tribunal Sanctorum Patrum, sum-
morum Pontificum, maximorum-
que Ecclesiæ Doctorum, persuas-
sissimus, ipsos fore pro me.
Videamus.



ARGU.